



Fréttabréf til forráðamanna í Glerárskóla

Glerárskóli Akureyri

Október 2016

Það er alltaf jafn merkilegt hversu hratt tíminn líður. Svo virðist sem það komi okkur alltaf í opna skjöldu ár eftir ár hve fljótt haustmánuðir líða í skólstarfinu. En nú hefur október haldið innreið sína í allri þeirri litadýrð sem haustið hefur upp á að bjóða.

Í Glerárskóla gengur skólstarf samkvæmt áætlun. Nemendur og starfsmenn eru allir komnir á kaf í lærdóm, hugflæði, verkefnavinnu, sjálfskoðun, teymisvinnu og allt það annað er tengist skólstarfinu. Dagarnir líða hjá og allir verða öflugri og þekkingarmeiri í dag enn í gær.

Glerárskóli hefur undanfarin ár verið að útvíkka sig á mörgum sviðum. Stefna skólans er skýr og gildisviðmið einnig. Skólinn er stoltur Grænánaskóli og reynir í hvívetna að efla umhverfisvitund og þekkingu nemenda á nærumhverfinu í gegnum grenndarkennslu. Við nýtum okkur jákvæðan aga til að byggja okkur upp og gera hvern einstakling sterkari í ákvarðanatöku og samskiptum. Við notum Olweusarfræði til að efla samveru enn meira og vinna í sameiningu að farsælum samskiptum.

Áherslurnar á þessu skólaári eru á námsmat, fjölbreytta kennsluhætti og læsi í viðum skilningi. En einnig ætlum við að leggja okkur fram um að efla nemendur í að taka ábyrgð á eigin lífi og sýna metnað í námi.

Skólasamfélag er samansett af nemendum, starfsmönnum skóla og forráðamönnum og það skiptir veigamiklu máli í skólstarfinu að allir aðilar vinni vel saman og standi við bakið á skólstarfinu.

Við höldum því ótrauð í átt að jákvæðri og bjartri framtíð í þeirri vissu að: *Saman stöndum við, náum árangri og gleðjumst!*

Kær kveðja frá stjórnendum Glerárskóla,

Eyrúnu, Elínu og Helgu

Útivistartími

Við minnum á að útivistartími nemenda breyttist þann 1. september s.l. og er nú sem hér segir:

12 ára börn og yngri mega lengst vera úti til kl. 20:00

13 - 16 ára börn mega lengst vera úti til kl. 22:00

Stöndum saman og höldum vel utan um krakkana okkar



5. október 2016

3. tbl. 6. árg

Til umhugsunar:

- Samkennd
- Jákvæðni
- Árangur
- Bros

Efnisyfirlit:

Október 2016	1
Útivistartími	1
<i>Haustfrí, skipulagsdagur, viðtalsdagur</i>	2
Ábending	2
Tónleikar	2
Rýmingaræfing	2
Skólaráð	2
Öryggi í umferðinni	3
Reglur í matsal	3
Helstu atburðir	3
Rósaball	3
Úr skólalífinu—Hjólavíka!	4
Að skammta matinn	4
Fræðsla	4
Mynd augnabliksins	4

Haustfrí, skipulagsdagur, viðtalsdagur

Föstudaginn 21. og mánudaginn 24. október er haustfrí nemenda og kennara í grunnskólum Akureyrarbæjar. Þriðjudaginn 25. október er skipulagsdagur í Glerárskóla og því eru nemendur í fríi. Miðvikudaginn 26. október er síðan viðtalsdagur í skólanum en þá hitta forráðamenn og nemendur umsjónar-kennara til að ræða um nám nemenda og skólagöngu. Einnig geta nemendur og forráðamenn hitt annað starfsfólk og kennara skólans.

Rýmingaræfing

Rýmingaræfing verður haldin föstudaginn 7. október n.k. strax eftir frímínútur að morgni. Æfingin er hugsuð til þess að allir geri sér grein fyrir því hvernig skal haga sér í aðstæðum sem skapa hættu og þegar rýma þarf skólann. Nemendur koma inn úr frímínútum á skónum þennan dag og fara með úlpur inn í stofu. Þegar brunabjalla hringir fer af stað rýmingaráætlun sem er afar skýr og allir eiga að fylgja við rýmingu. Að æfingu lokinni verður metið hversu vel gekk til og hvar við þurfum að bæta okkur. Vert er að hafa í huga að 3. bekkur, hluti af 5. og 6. bekk og 9. bekkur fara út um glugga og því er gott að nefna það við börnin.

Við biðjum alla forráðamenn að ræða við börnin sín um mikilvægi þess að fara að einu og öllu eftir áætlun um rýmingu og að sýna æfingunni virðingu með því. Það getur skipt sköpum þegar á reynir hvort við þekkjum þær leiðir sem við þurfum að nýta þegar á hólminn er komið.

Skólaráð Glerárskóla

Nú hefur nýtt skólaráð Glerárskóla litið dagsins ljós. Skólaráð tekur þátt í stefnumörkun fyrir skólann og mótun sérkenna hans í samræmi við stefnu sveitafélagsins um skólahald. Í skólaráði sitja fulltrúar starfsfólks, kennara, forráðamanna og nemenda auk fulltrúa úr hverfisnefnd og stjórnenda skólans. Í skólaráði árið 2016—2017 sitja:

Fyrir forráðamenn: Freydís Dana Sigurðardóttir og Sesselja Ingibjörg Reynisdóttir

Fyrir nemendur: Haraldur Orri Arnarson, Kristín Sveinsdóttir og Sandra Ósk Sævarsdóttir úr 10. bekk

Fyrir starfsfólk: Soffía Guðmundsdóttir

Fyrir kennara: Aðalbjörg Ólafsdóttir og Margrét Ingimundardóttir

Fyrir hverfisnefnd: Helgi Stefánsson

Fyrir stjórnendur: Eyrún Skúladóttir

Ritari skólaráðs: Elín Magnúsdóttir

TÓNLEIKAR
Grunnsveit
Tónlistarskólans á
Akureyri mun
heimsækja 1.—4.
bekk í Glerárskóla
föstudaginn 28.
október n.k. og
kynna nemendum
skemmtilega og
áhugaverða tónlist.
Þetta verður
skemmtilegt!



Grænfánahátíð Glerárskóla

Glerárskóli tók við Grænfánanum í fimmta sinn síðastliðinn mánuð. Hátíðin tókst vel og erum við stolt af því að vera Grænfánaskóli sem hugar að umhverfismálum og heilsusamlegu lífni.

Öryggi í umferðinni!

Nú þegar haustar að minnum við á reglur um farartæki á hjólum og þann öryggisbúnað sem nota skal.

Reglurnar má finna á heimasíðu Glerárskóla.

Einnig viljum við benda forráðamönnum á að brýna fyrir börnunum að fara varlega í umferðinni og nota endurskinsmerki.

Forráðamönnum bendum við á að fara varlega á bílastæði við skólann og muna að hverfið okkar er með 30 kílómetra hámarkshraða.

Munum svo að ALLIR NEMENDUR á farartækjum eiga að nota hjálm!

„Hlátur er bros sem springur!”

Mary H. Waldrip

Reglur í matsal Glerárskóla

- Förum í röð og bíðum eftir því að röðin komi að okkur
- Höfum ekki húfur né yfirhafnir í matsal
- Notum áhöld við að fá okkur á diskinn
- Fáum okkur passlega á diskinn
- Borðum við matarborðin
- Notum inniröddina
- Göngum rólega um
- Göngum frá eftir okkur
- Ókurteisi og ruðningur í matsal leiða til þess að nemendur fara aftast í röðina eða er vísað út matsal og borða annarsstaðar
- Nemendur yngsta- og miðstigs fara beint út í frímínútur eftir að hafa borðað
- Borðstjórar sjá til þess að borð séu hrein, stólar upp við borð og fara síðastir út úr matsal

Helstu viðburðir í október og nóvember 2016

6. október: Eldfuglinn—6. bekkur (Möguleikhúsið)

14. október: Rósaball 8.—10. bekkjar

20. október: Rugludagur í skólanum

21. október: Haustfrí nemenda og kennara

24. október: Haustfrí nemenda og kennara

25. október: Skipulagsdagur—nemendur í fríi

26. október: Viðtalsdagur

28. október: Tónleikar í 1.—4. bekk

8. nóvember: Baráttudagur gegn einelti

16. nóvember: Dagur íslenskrar tungu

17. nóvember: Smiðjudagur—Íslenska

Rósaball

Föstudaginn 14. október verður haldið hið fræga Rósaball hér í Glerárskóla.

Rósaballið er ætlað nemendum í 8.—10. bekk og hefur verið afar vinsælt um áraraðir. Nafnið fær ballið af því að 10. bekkingar sækja 8. bekkinga á ballið og færa þeim rós.



**Glerárskóli,
v/Höfðahlíð
600 Akureyri**

Skrifstofa skólans er opin alla virka daga frá
kl. 7:45—15:00 en í fríum nemenda er hún
opin frá kl. 10:00—12:00.

Sími skólans er: 461-2666

Fax skólans er: 461-1316

Netfang skólans er: glerarskoli@akureyri.is

Heimasíða: www.glerarskoli.is



HUGUR - HÖND - HEILBRIGÐI

Við erum á Facebook:
Glerárskóli

AÐ SKAMMTA SÉR MATINN SJÁLFUR!

Frá miðvikudeginum 7. september s.l.
hafa nemendur skammtað sér sjálfir á
diskana í hádegismatnum.

Þetta hefur gengið afar vel og gaman að
sjá hversu margir eru meðvitaðir um
matarsóun. Umræða heima við um
kurteisi og umgengni er þrátt fyrir það
alltaf vel þegin.

Úr skólalífinu—Hjólavika!



Fræðsla októbermánaðar!

Mánudagur 10. október: FORVARNARDAGUR 9. bekkjar
sem haldinn er í Síðuskóla

Þriðjudagur 11. október: 10. bekkur heimsækir VMA

Þriðjudagur 18. október: 5. bekkur fær fræðslu um
Netið og hættur sem þar leynast og 10. bekkur
heimsækir MA

Mynd augnabliksins!

